



Republika e Kosovës
Republika Kosova - Republic of Kosovo

ZYRA E RREGULLATORIT PËR ENERGJI
REGULATORNI URED ZA ENERGIJU
ENERGY REGULATORY OFFICE



Nr. 068/24
Data: 30.01.24

Prishtinë, 29 janar 2024
Kodi i ZRRE-së: V_1834_2024

Bordi i Zyrës së Rregullatorit për Energji,

Duke marrë parasysh:

- Dispozitat e Nenit 9 paragrafi 1, nënparagrafi 1.7, Nenit 15, Nenin 25, Nenit 26, paragrafit 1, nënparagrafin 1.2, Nenit 28, paragrafit 2, nënparagrafit 2.4 dhe Nenit 36 të Ligjit për Rregullatorin e Energjisë (Ligji Nr. 05/L-084);
- Dispozitat e Nenit 20 paragrafit 1.1 të Rregullës Nr. 07/2017 për Licencimin e Aktiviteteve të Energjisë në Kosovë; dhe
- Kërkesën e KOSTT SH.A për ndryshim të Licencës së Operatorit të Sistemit të Transmetimit të Energjisë elektrike, respektivisht për lirim nga obligimi i mbulimit të humbjeve në veri, të datës 09.01.2024 (Nr. Prot. 004/24), adresa: Rr. Isa Boletini Nr.39, Prishtinë 10000, Republika e Kosovës.

në seancën e mbajtur me datë 29 janar 2024 nxori këtë:

V E N D I M

- I. **NDRYSHOHET, respektivisht fshihet Neni 5** i Licencës për Operatorin e Sistemit të Transmetimit të Energjisë Elektrike dhënë Operatorit të Sistemit të Transmisionit dhe Tregut (KOSTT) SH.A (numri i licencës ZRRE/Li_15/17), ndërsa të gjitha dispozitat tjera të licencës ZRRE/Li_15/17 mbesin në fuqi, deri me datë **04 Tetor 2036**.
- II. **Obligohet** ndërmarrja të sjell në Rregullator çdo dokument i cili mund të kenë ndikim në validitetin dhe periudhën e vlefshmërisë së licencës së ndryshuar/modifikuar.
- III. Ky vendim do të jetë pjesë përbërëse e Licencës së Operatorit të Sistemit të Transmetimit të Energjisë Elektrike, sipas pikës I. të dispozitivit të këtij Vendimi.

A r s y e t i m

- o Zyra e Rregullatorit për Energji (në tekstin e mëtejme: ZRRE) me datë 09 janar 2024 ka pranuar nga i licencuari KOSTT SH.A – OST, Kërkesën për ndryshim të Licencës së Operatorit të Sistemit të Transmetimit të Energjisë elektrike, respektivisht për lirim nga obligimi i mbulimit të humbjeve në veri.
- o Sipas kërkesës së KOSTT Pala Tregtare Elektorsever SH.P.K., është Licencuar nga ZRRE për Furnizim me energji elektrike për konsumatorët e katër komuna veriore të Republikës së Kosovës (Mitrovica Veriore, Zveçan, Zubin Potok dhe Leposaviç), sipas Licencës Nr. 1306 datës 27.06.2022.



- KOSTT SH.A ka njoftuar se pala tregtare pas nënshkrimit të marrëveshjes komerciale ndërmjet KEDS dhe Elektrosever, KOSTT ka filluar me përgatitjet dhe i ka dërguar palës tregtare respektive, në rolin e Furnizuesit të ri, të gjitha udhëzimet për të mundësuar operimin në Zonën Rregulluese të KOSTT, në përputhje me Rregullat e Tregut.
- Ka njoftuar se me datën 01.01.2024, Furnizuesi i ri (Elektrosever) ka filluar të dorëzojë në KOSTT (KOSTT Sistemi për Menaxhimin e Tregut MMS), Nominimet Fizike dhe Kontraktuale për konsumin e energjisë për të gjithë konsumatorët.
- Ndërsa në anën tjetër, përmes Nenit 5 të licencës për Operatorin e Sistemit të transmetimit të Energjisë Elektrike, ZRRE/Li_15/17 i dt. 13.04.2017 është i obliguar që të mbulojë humbjet që dalin nga energjia e shfrytëzuar por jo e paguar e konsumatorëve në pjesën veriore të Kosovës.
- Andaj, referuar rrethanave të krijuara KOSTT kërkon nga ZRRE që në pajtim me Nenin 36 par. 1 nënpar. 1.1 dhe Neni 37 par. 1 nënpar 2 të Ligjit Nr. 05/L-084 për Rregullatorin e Energjisë, largimin e detyrimit për mbulimin e humbjeve të energjisë elektrike në veri të Kosovës të përcaktuar me Nenin 5 të Licencës.
- ZRRE pas pranimit të Udhërrëfyesit për Zbatimin e Marrëveshjeve të Energjisë e datës 21.06.2022, përmes Vendimit V_1515_2022, i ka lëshuar Licencë për Furnizim me energji Elektrike ndërmarrje Drustvo Elektrosever D.O.O., me nr. Licence ZRRE/Li_70/20, për periudhën 5 vjeçare, që mbulon periudhën nga data 24 qershor 2022 deri 23 qershor 2027, për konsumatorët në katër komunat veriore të Kosovës (Mitrovica Veriore, Zvečan, Zubin Potok dhe Leposavic), me disa kushte që duhet të plotësohen para fillimit të operimit.
- Shoqëria Elektrosever D.O.O. ka qenë e obliguar që para fillimit të furnizimit me energji në katër komunat veriore, të lidhë disa marrëveshje me KOSTT, kështu që: a) Elektrosever ka nënshkruar Marrëveshjen për Aderim në Rregullat e Tregut; b) Marrëveshjen për Palën Përgjegjëse për Balanc dhe c) Marrëveshjen për Blerje të Energjisë nga Burimet e Ripërtërishme të Energjisë (BRE), përmes të cilave obligohet të respektoj Rregullat e Tregut dhe merr përgjegjësinë për jobalancet që i shkakton. KEDS dhe Elektrosever kanë finalizuar Marrëveshjen e Kyçjes dhe atë Komerciale me datë 09.12.2023.
- KOSTT pas finalizimit të marrëveshjeve përkatëse, ka filluar përgatitjet dhe i ka dërguar Palës Tregtare, respektive, në rolin e Furnizuesit të ri, të gjitha udhëzimet për të mundësuar operimin në Zonën Rregulluese të KOSTT, në përputhje me Rregullat e Tregut. Kështu nga 01.01.2024, Furnizuesi i ri ka filluar të dorëzojë në KOSTT (Sistemi për Menaxhimin e Tregut-MMS) Nominimet Fizike dhe Kontraktuale për konsumin për të gjithë konsumatorët.
- ZRRE pas vlerësimit të Kërkesës së KOSTT – OST dhe marrë parasysh marrëveshjet e nënshkruara për furnizim në katër komunat veriore të Kosovës, dhe duke u mbështetur në dispozitat ligjore të cekura në hyrje të këtij vendimi, ka vendosur si në dispozitiv të këtij vendimi.




- o Licenca e ndryshuar/modifikuar sipas pikës I të dispozitivit të këtij vendimi, do të vazhdojë të jetë e vlefshme për periudhën sipas pikës I. të dispozitivit të këtij Vendimi dhe licencës me numër ZRRE/Li_15/17 e datës 13 prill 2017, me mundësi vazhdimi, nëse i licencuari aplikon për vazhdim licence jo më vonë se gjashtë (6) muaj para skadimit të afatit të licencës në pajtim me Nenin 32 të Ligjit për Rregullatorin e Energjisë dhe legjislacionin tjetër në fuqi.


IV. Vendimi nxirret në gjuhët zyrtare në Republikën e Kosovës.

V. Vendimi hyn në fuqi në datën e miratimit nga Bordi i Rregullatorit dhe do të publikohet në faqen elektronike zyrtare të Rregullatorit.

Këshillë juridike: Pala e pakënaqur me këtë Vendim mund të inicioj konflikt administrativ në Gjykatën Kompetente, brenda tridhjetë (30) ditëve nga data e pranimit të Vendimit ose data e publikimit të tij në faqen elektronike të Rregullatorit, cilado që ndodh e fundit.

Bordi i ZRRE-së:


Ymer Fejzullahu, Kryesues


Lutfije Dervishi, Anëtare


Gani Buçaj, Anëtar


Arta Isufi, Anëtare


Adnan Prehqi, Anëtar

Vendimi iu dërgohet:

- Palës, dhe
- Arkivit të ZRRE-së